

## Tinaitai Koru

### Tinige' Jimmy Santos Teria

Hoi', famagu'on Mariãnas! Masãsangan na i lengguãhi i apuya' gi kottura pues nihi ya ta gopte i fino'-ta, i hila' nãna ya u su'on hit mo'na.

Hagas ha' mamfino' CHamómoru i famgu'on Mariãnas guini gi tano'-ta. Siha i mañaina-ta fumino' Chamorúruyi hit. Lao pã'go, meggaiña biãhi na mamfino' lãlagu ya ti munahong para u su'on mo'na i hila' nãna.

Ta didibi i sientu singkuenta na hinirasi3n ni' sumu'on mo'na i hila' nãna sa' yanggen tãya' dinekko' hinirasi3n siempre ta tãtaitai ha' gi fanadahen kosas i tano'-ta siha. Hãfa mãs, hãfa mãs para ta chogue. Hita nu i manaotao tãno'.

Pues desde pã'go para mo'na nihi ta fino' CHamoruyi i famagu'on-ta, i manhoben, i manãmko' yan kontodu i manaotao otro lugãt siha. Ta fa'nã'gue ya ginen este na u sini'on mo'na i hila' nãna. I fino' CHamoru.

Maila' ya ta na'siguru na ti u falingu i fino' mañaina-ta. Ta fanmanhasso gi et mãs tãddong na hinasso ya ta fanmakmãta! Ta baba i ataddok-ta. Ta atan i uriya kao este magãhet ya-ta ya kao este para uttemo-ña i irensiã-ta? I para u falingu?

Mungnga na ta sedi na u falingu. Ta fanohge gi et mãs fitme yan metgot na tinehge taiguihi i acho' latte nu i sumupotte i lina'la' i mañaina-ta tãtte gi un tiempo. Ta kalamtini, ya ta mimuyi. Este irensia-ta para ta na'i i famagu'on-ta gi pã'go yan siempre.

Ginen este u sini'on mo'na i hila' nãna. I fino'-ta. I fino' CHamoru